

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

«Социальнӧя могмӧдан юкӧн сӧвмӧдан шӧрин» асшӧрлуна абу коммерческӧй организация йылысь

Сы могысь, медым социальнӧя могмӧдӧмын нуждайтчысьясӧн шуӧм гражданагы сетны гортанысь социальнӧя могмӧдӧмӧн социальнӧй услугагас, «Абу коммерческӧй организацияс йылысь» Федеральнӧй оланпаслӧн 10 статья, «Коми Республикаса канму эмбурӧн веськӧдлӧм да сыӧн вӧдитчӧм йылысь» Коми Республикаса Оланпаслӧн 5 статьяса «в¹» пункт серти Коми Республикаса Веськӧдлан котыр шуис:

1. Артмӧдны «Социальнӧя могмӧдан юкӧн сӧвмӧдан шӧрин» асшӧрлуна абу коммерческӧй организация (водзӧ - «Социальнӧя могмӧдан юкӧн сӧвмӧдан шӧрин» АКО).

2. Коми Республикаса удж, уджӧн могмӧдан да социальнӧя доръян министерстволы:

1) лоны Коми Республика нимсянь «Социальнӧя могмӧдан юкӧн сӧвмӧдан шӧрин» АКО учредитысьӧн да урчитӧм пӧрадокын могмӧдны «Социальнӧя могмӧдан юкӧн сӧвмӧдан шӧрин» АКО артмӧдӧм серти котыртан мероприятияяс збыльмӧдӧмсӧ тайӧ шуӧм вынсялан лунсянь 30 календарнӧй лун чӧжӧн;

2) Коми Республикаса эмбур да му йитӧдьяс комитеткӧд ӧтув 2023 вося моз тӧлысь 1 лунысь оз сӧрджык индыны эмбурлысь лыддьӧгсӧ, кутшӧмӧс вермӧны сетны «Социальнӧя могмӧдан юкӧн сӧвмӧдан шӧрин» АКО-ӧ эмбура взнос пыдди.

3. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ социальнӧя доръян юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органьяслысь уджсӧ.

4. Тайӧ шуӧмыс вынсялӧ сӧйӧс официальнӧя йӧзӧдан лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь –
Коми Республикаса сьӧм овмӧс министр

В. Казаков

Сыктывкар
2023 вося сора тӧлысь 17 лун
328 №